

石始知異視盤上唾悉是金矣

又有鮫人室水居如魚不廢機織其眼能泣則出珠晉  
木玄虛海賦云天琛水恠鮫人之室

駢志卷之十七

駢志卷之十八

一集

海虞陳禹謨錫玄甫輯

壬部下

雙鵠爲引

衆鳥翊從

宋志孝武帝孝建元年正月庚申鳳凰見丹徒渴賢亭

雙鵠爲引衆鳥陪從征虜將軍武昌王渾以聞

唐志長壽三年十一月陳州上言宛丘縣鳳凰集衆鳥

數萬前後翊從行列齊整色別爲群後三日改元爲儀

鳳

羽豪

駢志

卷十八

一



羽宗

苻子齊景公謂晏子曰寡人既得寶乘聚萬駟矣方欲珠懸黎會金玉其得之卽奚若晏子曰臣聞琬琰之外有鳥焉曰金翅民謂爲羽豪其爲鳥也非龍肺不食非鳳血不飲其食也常飢而不飽其飲也常渴而不充生未幾何夭其天年而死珠玉之珍非乃爲君之患也相鶴經鶴者陽鳥也而遊于陰因金氣依火精以自養行必依洲嶼止不集林木蓋羽族之宗長仙人之騏驎也又禽經鶴愛陰而惡陽鴈愛陽而惡陰

禦火

禦水

山海經小華之山鳥多赤鷩可以禦火 符禺之山其獸多葱龍其狀如羊而赤鬣其鳥多鵠其狀如翠而赤喙可以禦火 翠山其鳥多鷗其狀如鵠赤黑而兩首四足可以禦火 涿光之山鵲水出焉而西流注于河其中多鰮鰮之魚其狀如鵠而十翼鱗皆在羽端其音如鵠可以禦火 丑陽之山有鳥焉其狀如鳥而赤足名馭餘可以禦火 崑崙山有鳥焉狀如鴉而赤身白首其名曰竊脂可以禦火 卽公之山有獸焉其狀如龜而白身赤首名曰蜚是可以禦火

又崑崙之丘有木焉其狀如棠華黃赤實其味如李而無核名曰沙棠可以禦水食之使人不少溺



熒熒之鳥同同之鳥

策策之魚堂堂之魚

衝波傳子路顏淵浴於洙水見五色鳥顏淵問由識此鳥否子路曰熒熒之鳥後日顏回與子路又浴于泗水更見前鳥復問由識此鳥否子路曰譬如絲絹煮之則爲帛染之則何一鳥而二名子路曰譬如絲絹煮之則爲帛染之則爲皁一鳥二名不亦宜乎

譚子化書庚氏穴池構竹爲凭欄登之者其聲策策焉辛氏穴池構木爲凭欄登之者其聲堂堂焉二氏俱放魚于池中每凭欄投餌魚必踴躍而出後但聞策策堂堂之聲不投餌亦踴躍而出則是庚氏之魚可名策策辛氏魚可名堂堂食之化也

鵜鵜

蠻蠻

山海經南方有比翼鳥不比不飛其名謂之鵜鵜 史記古之封禪西海致比翼之鳥 拾遺記成王時然丘國獻比翼鳥雌雄各一以玉爲樊 周書成王時巴人獻比翼鳥

又崇吾之山有鳥其狀如鳬而一翼一目相得乃飛名曰蠻蠻見則天下大水

孝鳥

仁鳥

并志

卷十八

三



尚書緯鳥有孝名武王卒父大業故鳥瑞臻 譙子法訓曰夫孝行之本替本而求末未見得之者也鳥者而有反哺況人而無孝心者乎

拾遺記晉文公焚山求介子推有白鳥遶烟而噪或集介子推側火不能焚晉人嘉之起思烟臺其鳥云仁鳥

烏棲府

漢書御史府中列栢樹常有野鳥數千棲宿其上晨去暮來號朝夕鳥 又南史高昌國有朝鳥者旦旦集王殿前爲行列不畏人日出然後散去

舊唐書柳仲郢自拜諫議後每遷官羣鳥大集于昇平里第庭樹戟架皆滿凡五日而散詔下不復集家人以爲候唯除天平節度鳥不復集

魯郊之鳥

罽賓之鸞

莊子昔者有鳥止于魯郊魯君說之爲具大牢以饗之奏九韶以樂之鳥乃始憂悲眩視不敢飲食此之謂以已養養鳥也

范太鸞鳥詩序罽賓國王結置峻岐之山獲一鸞鳥王甚愛之欲其鳴而不能致乃飾以金樊享以珍羞而鸞對之愈戚三年不鳴夫人曰聞鳥見其類而後鳴可懸鏡以映之王從言鸞觀影感契慨焉悲鳴哀響中宵一



奮而絕

鸚鵡訴苦寒

鸚鵡持佛號

舊唐書貞觀五年林邑獻五色鸚鵡數訴寒適新羅獻美女二人魏徵以爲不宜受太宗喜曰林邑鸚鵡猶能自言苦寒思歸况二女之遠別親戚乎并鸚鵡各付使者歸之

韋臯鸚鵡舍利塔記貞元中有獻鸚鵡鳥者河東裴氏志樂金仙之道以此鳥名載梵經常狎而敬之始告以六齋之禁比及辰後非時之食終夕不視或教以持佛名號者則仰首奮翼若善承聽或俾之念佛則默然而不答或謂之不念卽唱言阿彌陀歷試不爽貞元十九年七月悴爾不憚已而日甚馴養者知將盡乃鳴磬曰將西歸乎爲爾擊磬爾其存念每一擊磬一稱彌陀佛洎十擊磬而十念成歛翼委足奄然而絕焚之得舍利十餘粒

廣州獻吉了

廉州獻吉了

舊唐書禮樂志嶺南有鳥如鸚鵡而稍大乍視之不相分辨籠養久則能言無不通南人謂之吉了亦云料開元初廣州獻之言音雄重如丈夫委曲識人情慧于鸚鵡遠矣



北戶錄普寧有廉州民獲赤白吉了各一頭獻于刺史其赤者尋卒白者久而能言凡笑語悉皆效人斯珍禽也按唐會要林邑國有結遼焉謂之吉了鳥能人語又僉載天后時左衛兵遭劉景陽使嶺南得秦吉了二隻能解人語至都進之畱其雌者雄煩怨不食則天問曰何乃無聊也鳥曰其配爲使者所得頗思之乃呼景陽曰卿何故藏一鳥不進景陽叩頭謝罪乃進之則天不罪也聞見錄瀘南有畜秦吉了者亦能人言有夷酋欲以錢三十萬買之其人告以貧將賣爾秦吉了曰我漢禽不願入夷中遂不食而死評曰漢禽猶不願入夷彼漢人而甘椎結者真鳥之不如矣變而之仁變而之不仁變而之善變而之不善

夏小正云鷹爲鳩變而之仁鳩爲鷹變而之不仁也鼠爲鴽變而之善鴽爲鼠變而之不善也又搜神記曰春分之日鷹變爲鳩秋分之日鳩變爲鷹時之化也

鷹制鵬雛

朔識鵬雛

幽明錄楚文王少時有人獻一鷹爪頭神爽殊絕常鷹故爲獵于雲夢置網雲布烟燒漲天毛羣飛旋爭噬競搏此鷹軒頸瞪目遠視雲際無搏噬之志王曰吾鷹所獲以百數汝鷹曾無奮意將欺余耶獻者曰若效于雉兔臣豈敢獻俄而雲際有一物翱翔飄飄鮮白而不辨其形鷹見之便竦翮而升轟若飛電須臾羽墮如雪血



下如雨良久有一大鳥墮地而死度其兩翅廣數十里  
喙邊有黃衆莫能識時有博物君子曰此大鵬雛也始  
飛故爲鷹所制文王乃厚賞獻者

西域貢黑鷹得鵬雛衆莫踰惟東方朔識之

鵬放鵠

鵬縱禽

僉載滄州東光縣寶觀寺常有蒼鵬集重閣每有鵠數  
千鵬冬中每夕卽取一鵠以暖足至曉放之而不殺自  
餘鷹鵬不敢侵之

長安薦福寺有鵬冬取小禽煖爪掌旦則縱之視其所  
適之方則是日不干于是方擊搏

白鵬送書

群鵠繫書

僉載唐太宗養一白鵬號白將軍取鳥常驅至于殿前  
然後擊殺故名落鷹殿上恒令送書從北至東都與魏  
王仍取報日往返數迴

開元遺事張九齡少年時家養羣鵠每與親知書信往  
來只以書繫鵠足上依所教之處飛往投之九齡目之  
爲飛奴時人無不愛訝 又大理丞鄭復禮言波斯舶  
上多養鵠鵠能飛行數千里輒放一隻至家以爲平安  
信

朱鴈爲樂府



白鴈爲婚贊

漢書禮樂志郊祀歌十九章其十八章象載瑜太始三年行幸東海獲赤鴈作其詩曰赤鴈集六紛員殊翁雜五采文神所見施祉福登蓬萊結無極

按孟康曰翁頸也言其文采殊

異也

舊唐書高宗納右衛將軍裴居道女爲太子妃所司奏以白鴈爲贊適會苑中獲白鴈高宗喜曰漢獲朱鴈遂爲樂府今獲白鴈得爲婚贊彼禮但成謠頌此禮便首人倫異代相望我無慙德也

知夜

警露

淮南子鶴知夜半而不免于鼎俎

墨子蝦蟆日夜鳴

口乾而人不聽之鶴鷄時夜而鳴天下振動多言

何益

風土記鳴鶴戒露此鳥性警至八月白露降流于草上滴滴有聲因集高鳴相警移徙所宿處處有變害也

又禽經注露禽鶴也露下則鶴鳴

愛陰而惡陽

愛陽而惡陰

禽經云鶴愛陰而惡陽鴈愛陽而惡陰

胎化

影生

鮑昭舞鶴賦散幽經以驗物偉胎化之仙禽鍾浮曠之



藻質抱清迥之明心 又雲嶠類要鶴胎生者形體堅  
小惟食稻梁雖甚馴熟久須飛去鶴合而卵生其體大  
食魚蝦啄蛇鼠不能去

內典鶴影生雌雄相隨如道士步斗履其跡而孕

鶴有凌霄之姿

鷹有凌霄之志

世說支道林好鶴時有遺其雙鶴者翅長欲飛林意惜  
之乃鍛其翮鶴軒翥不能復起乃舒翼反顧視之如有  
懊喪意林公曰既有凌霄之姿何肯爲人作耳目近玩  
養令翮成置使飛去

載記慕容垂請至郭拜墓苻堅許之權翼諫曰垂猶鷹  
也饑則附人飽便高颺若遇風塵之會必有凌霄之志  
唯宜急其羈絆不可任其所欲堅不從去果不還

誓鳥

怨鳥

述異記精衛狀如海鷺今東海畔精衛誓水處溺于此  
川誓不飲其水一名誓鳥 又山海經女娃遊于東海  
溺而不返故爲精衛常銜西山之木石以堙于東海  
禽經注子規甌越間曰怨鳥夜啼達旦血漬草木啼苦  
則倒懸于樹

海上之鷗

海上之靖

并志

卷八

九



馬志  
列子海上之人有好鷗鳥者每旦之海上從鷗鳥遊鷗鳥之至者百數而不止其父曰吾聞鷗鳥皆從女遊取來吾翫之明日之海上鷗鳥舞而不下 蒼頡解詁云鷺鷥也生藕葉上名水鴉 南越志云江鷗一名海鷗在漲海中隨潮上下常以三月風至乃還洲嶼生卵似雞卵色青頗知風雲若羣至岸必風漁人及渡海者皆以此爲候

呂氏春秋海上之人有好蜻者每居海上從蜻遊蜻之至者百數而不止前後左右盡蜻也終日翫之而不去其父告之曰聞蜻皆從女居取而來吾將翫之明日之海上而蜻無至者矣

鷓鴣之飛先南

子規之啼必北

南越志鷓鴣鳥雖復東西迴翔命翮之始必先南翥其鳴自呼杜薄州 異物志鷓鴣形似雌雞其志懷南不北徂也其鳴云但南不北 酉陽雜俎鷓鴣飛逐月數如正月一日飛而止但伏巢中不復起矣十二月十二日起最難採南人設網取之

爾雅云雉周禽經雉周子規也啼必北向 博物志杜鵑生子寄之他巢百鳥爲飼之杜鵑即子規

鷓鴣膳止妬

鷓鴣酒健忘



梁武帝平齊獲侍兒子餘輩頗娛於目爲郅后所隔拘憤恚將成疾左右識其情者進言曰臣嘗讀山海經云以鷦鷯爲膳可以止妬梁武從之郅茹之後妬殆減半帝神其事左右復言曰願陛下廣爲羞以徧賜羣臣使不才者無妬於才挾私者不妬其奉公濁者不嫉其清貧者不忌其廉亦助化之一端也帝然其言將詔虞人廣捕之會崇佛戒殺遂止

英華

西陽雜俎肅宗張皇后專權每進酒常寘鴟腦酒令人久醉健忘

鷽鷽胎生

鷽鷽卵生

楊孚異物志鷽鷽能沒于深水取魚而食之不生卵而孕雛于池澤間既胎而又吐生多者八九少者五六相連而出若系緒焉水鳥而巢高樹之上又杜臺卿淮賦鷽鷽吐雛于八九鷽鷽銜翼而低昂

本草衍義寇宗奭嘗官于澧州公宇後有大木一株其上有鷽鷽三四十巢日夕觀之既能交合兼有卵殼布地其色碧豈得雛吐口中是全未考尋可見當日聽人之誤言也

鷽鷽集于芝池魏文下詔

鷽鳥獲于宮內崔光進言

魏黃初中有鷽鷽集于靈芝池文帝下詔以曹恭公遠



君子近小人博求賢俊太尉華歆由此遜位而讓管寧  
魏書肅宗時獲禿鶩鳥于宮內詔以示崔光光表曰蒙  
示所得大鳥此卽詩所謂有鶩在梁者也臣聞野物入  
舍古人以爲不善是以張玠惡鵠賈誼忌鴈鵠鴈暫集  
而去前王猶爲至誠況今親入宮禁爲人所獲方被畜  
養晏然不以爲懼準諸往義信有殊矣衛侯好鶴曹伯  
愛鴈身死國滅可爲寒心

雀入于海爲蛤

雉入于淮爲蜃

夏小正九月雀入于海爲蛤蓋有矣非常入也

又十月玄雉入于淮爲蜃蜃者蒲蘆也按晉語趙簡

子歎曰雀入于海爲蛤雉入于淮爲蜃皆介物蚌類也

黿鼉魚鼈莫不能化唯人不能哀夫竇犇侍曰臣聞之  
君子哀無人不哀無賄哀無德不哀無寵哀名之不令  
不哀年之不登夫中行范氏不恤庶難而欲擅晉國今  
其子孫將耕於齊宗廟之犧爲畎畝之勤人之化也何  
日之有

孝鵠

靈雞

寰宇記天寶末德清沈朝家有鵠育卵而腸出以舂其  
雛悲鳴不復食啄敗薦覆之又銜芻草母前若祭奠狀  
長吁數聲而死沈氏異而埋之後人因呼爲孝鵠塚



高僧傳唐杭州徑山釋法欽姓朱氏嘗養一鷄不食生類隨之若影不游他所及其入長安長鳴三日而絕今鷄冢在焉

見蛇則噪而賁

見蛇則死而躍

禽經云鵲見蛇則噪而賁孔雀見蛇則死而躍

見異類差翅鳴

見同類拊翅鳴

禽經云鵝見異類差翅鳴雞見同類拊翅鳴

喜日鵝

垂露鵝

洞冥記有喜日鵝至日出時銜翅而舞又名曰舞日鵝

又有升菰鵝赤色每止于芙蓉上不食五穀唯啖葉上

垂露因名垂露鵝一名丹毛鳧

野鷄先鳴而後鼓翼

家鷄先鼓翼而後鳴

物類相感志云警畜能知時雖風雨陰霾而戒時不忒時至則啼人以爲候故周書緯云鷄陽鳥也所以爲人候四時也又云野鷄屬陰先鳴而後鼓翼家鷄屬陽先鼓翼而後鳴

長鳴雞

遠飛鷄



西京雜記長鳴鷄一食頃不絕長距善鬪

洞冥記有遠飛鷄夕則還依人曉則絕非四海朝往夕還祝雞公善養鷄得遠飛鷄之卵伏之名曰翻明鷄如鵠大色紫有翼翼下有目亦曰目羽雞

伺晨雞

司夜雞

西京雜記成帝時交趾越雋獻伺晨雞卽下漏驗之晷刻無差

洞冥記有司夜雞隨鼓節而鳴不息從夜至曉一更爲一聲五更爲五聲亦曰五時雞

梟逢鳩告以東徙

鳩遇梟止其巢吳

說苑梟逢鳩鳩曰子將安之梟曰我將東徙鳩曰子改鳴則可不能改鳴猶惡子之聲也

曹子建集令禽惡鳥論昔荆之梟將徙巢于吳鳩遇之曰子將安之梟曰將巢于吳鳩曰何去荆而巢吳乎梟曰荆人惡予之聲鳩曰子能革子之聲則免無爲去荆而巢吳也如不能革子之聲則吳楚之民不異情也爲子之計者莫若宛頸戢翼終身勿復鳴也

用梟鏡以祠黃帝

作梟羹以賜百官

郊祀志古天子嘗以春解祠祠黃帝用一梟破鏡

師古曰解



祠者謂祠祭以解罪求福張晏曰黃帝五帝之首也歲之始也梟惡逆之鳥方士虛誕云以歲始祓除凶灾令神仙之帝食惡逆之物使天下爲逆者破滅訖竟無有遺育也孟康曰梟鳥名食母破鏡獸名食父黃帝欲絕其類使百吏祠皆用之破鏡如貓而虎眼又如淳注曰漢使東郡送梟五月五日作梟羹以賜百官以其惡鳥故食之也

鵠鵠胎生

囊狸卵生

韓詩內傳云鵠鵠胎生孔子渡江見而異之

異物志狸十有一種囊狸卵生

雁銜蘆

龜藏六

古今注雁自河北渡江南瘦瘠能高飛不畏繒繳江南沃饒每至還河北體肥不能高飛恐爲虞人所獲常銜

蘆長數寸以防繒繳焉淮南子夫雁從風而飛以愛

氣力銜蘆而翔以避弋繳抱朴子智禽銜蘆以避網

水牛結陣以却虎

雜阿含經有龜被野干所包藏六而不出野干怒而捨去佛告諸比丘當如龜藏六自藏六根魔不得便法

句經昔有道人河邊學道但念六塵心無寧息龜從河出水狗將噉龜龜縮頭尾四脚藏于甲中不能得便狗去還出便得入水道人因悟我不及龜放恣六情不知死至

虎導



鹿隨

符瑞志宋元嘉二十五年白虎見蜀郡二赤虎導前

又瑞應圖白虎者義獸也一名騶虞王者德至禽獸澤洞幽冥則見

五代史永平三年五月騶虞見璧山有二鹿隨之

見則天下大穰

見則天下大風

山海經欽山有獸焉其狀如豚而有牙其名曰當康其鳴自呌見則天下大穰 泰器之山觀水出焉西流注

于流沙是多文鰐魚狀如鯉魚魚身而鳥翼蒼文而白首赤喙嘗行西海游于東海以夜飛其音如鸞雞其味酸甘食之已狂見則天下大穰 玉山有獸焉其狀如

犬而豹文其角如牛其名曰狡其音如吠犬見則其國大穰

又凡山有獸焉其狀如彘黃身白頭白尾名曰聞璘見則天下大風 少咸之山有獸焉其狀如犬而人面善投見人則笑其名曰猓其行如風見則天下大風

見則天下大水

見則天下大旱

山海經空桑之山有獸焉其狀如牛而虎文其音如欽其名曰軫軫其鳴自呌見則天下大水 豺山有獸焉其狀如夸父而彘毛其音如呼見則天下大水 剡山



有獸焉其狀如彘而人面黃身而赤尾其名曰合窳其音如嬰兒是獸也食人亦食蟲蛇見則天下大水 陽山多化蛇其狀如人面而豺身鳥翼而蛇行其音如叱呼見則其邑大水 敖岸之山有獸焉其狀如白鹿而四角名曰夫諸見則其邑大水 長右之山有獸焉其狀如禺而四耳其名長右其音如吟見則其郡縣大水 一崇吾之山有鳥焉其狀如鳬而一翼一目相得而飛名曰蠻蠻見則天下大水 玉山有鳥焉其狀如翟而赤名曰𪔐遇是食魚其音如錄見則其國大水 邽山濛水出焉南流注于洋水其中多黃貝羸魚魚身而鳥翼音如鴛鴦見則其邑大水

又姑逢之山有獸焉其狀如狐而有翼其音如鴻鴈若

鳴曰徹徹見則天下大旱 獨山末塗之水出焉而東流注于沔其中多蜚蠊其狀如黃蛇魚翼出入有光見則其邑大旱 女烝之山膏水出焉而西注于鬲水其中多薄魚其狀如鱸魚而一目其音如歐見則天下大旱 子桐之山子桐之水出焉而西流注于餘如之澤其中多鰮魚其狀如魚而鳥翼出入有光其音如鴛鴦見則天下大旱 崦嵫之山有鳥焉其狀如鴉而人面蜎身犬尾其名自號也見則其邑大旱 鐔于母逢之山浴水出焉有大蛇赤首白身其音如牛見則其邑大旱 太華之山有蛇焉名曰肥蠃六足四翼見則天下



大旱 渾夕之山有蛇一首兩身名曰肥遺見則其國

大旱

觸邪獸

飼邪獸

述異記獬豸者一角之羊也性知人有罪臯陶治獄其罪疑者令羊觸之 又唐長慶中隴上出異獸如猴腰

尾皆長色青迅猛見蕃人卽捕而食之遇漢人則否

神異經窮其獸似牛而色狸尾長曳地其聲似狗狗頭人形鈎爪鋸牙逢忠信之人齧而食之逢姦邪者則擒

禽獸而飼之

窮其當  
作窮奇

蠲忿

梁祚魏國統云西南夷土有異犀三角夜行如大炬火照數千步或時解脫則藏于深密之處不欲令人見之王者貴其異以爲簪能消除凶逆

杜陽編懿宗周昌公主出降帶蠲忿犀其犀圓如彈丸入土不朽爛帶之令人蠲忿怒

禦兵

禦凶

山海經中曲之山有獸焉其狀如馬而白身黑尾一角虎牙爪音如鼓音其名曰駮是食虎豹可以禦兵 號山其鳥多寓狀如鼠而鳥翼其音如羊可以禦兵 騶



馬志 卷一  
山正回之水出焉而北流注于河其中多飛魚其狀如豚而赤文服之不畏雷可以禦兵 少室之山休水出焉而北流注于洛其中多鯢魚狀如鰐蜃而長距足白而對食者無蠱疾可以禦兵

又陰山有獸焉其狀如狸而白首名曰天狗其音如樞樞可以禦凶 英鞮之山浣水出焉而北注于陵羊之澤是多冉遺之魚魚身蛇首六足其目如馬耳食之使人不眊可以禦凶 講山有木焉名曰帝屋葉狀如椒反傷赤實可以禦凶

反傷刺下勾也

辟塵

試毒

本草李司封宗易嘗言石駟馬保吉知陳州其州解一皆新之每毀舊屋則坐于下風塵自分去人皆驚怪之蓋其所服辟塵犀也 嶺表錄異辟塵犀爲婦簪梳塵不著髮

抱朴子通天犀有白理如線者以盛米置羣雞中雞欲往啄米至輒驚却故南人名爲駭雞犀得其角一尺以上刻爲魚而銜以入水水常爲開方三尺可得氣息水中以其角爲義導者試煮毒藥爲湯以義導攪之皆生白沫無復毒物則無沫起也 北戶錄注通天犀置大霧重露下終不沾濡又堪辨毒或中毒箭刺於瘡中立愈蓋犀食百毒棘刺故也 南越志海中出離水犀似



牛其出入有光水爲之開

舊唐書拂菻國一名大秦有鳥似鵝其毛綠色常在王邊倚枕上坐每進食有毒其鳥輒鳴

雙雙合體

蛩蛩假足

山海經云南海之外有二青獸相并名曰雙雙

注云言體合爲

一也公羊傳雙雙而俱至

說苑孔子曰北方有獸其名曰蜃前足鼠後足兔是獸也甚矣其愛蛩蛩巨虛也食得甘草必齧以遺蛩蛩巨虛蛩蛩巨虛見人將來必負蜃以走蜃非性之愛蛩蛩巨虛也爲其假足之故也二獸者亦非性之愛蜃也爲其得甘草而遺之故也

萬萬血堪染韡

猩猩血可染罽

本草宋建武中安西縣主簿韋文禮進萬萬雌雄二頭帝曰吾聞萬萬能負千鈞若旣力如此何能致之彼土人丁鑾進曰萬萬見人喜笑則上唇掩其目人以釘釘著額上任其奔馳候死而取之髮極長血堪染韡其毛一似獼猴人面紅赤色作人言馬聲善知生死飲其血使人見鬼帝聞而欣然命工圖之

華陽國志永昌郡有猩猩能言其血可以染朱罽色鮮不黷



獅能禦象

獅能伏虎

宋書宗慤字元幹隨檀和之伐林邑入象浦林邑王范陽邁傾國來拒以兵裝被象前後無際慤曰吾聞獅子威服百獸乃制其形與象相禦象果驚奔衆因潰散遂克林邑收其異寶雜物不可勝計

洛陽伽藍記元魏波斯國獻獅子永安末始達京師莊帝謂侍中李或曰朕聞虎見獅子必伏可覓試之於是詔近山郡縣捕虎以進鞏縣山陽并進二虎一豹見獅子悉瞑目不敢仰視園中素有一盲熊性甚馴善帝令取試之虞人牽盲熊至聞獅子氣驚怖跳跟曳鎖而起帝大笑舊說獅子虎見之而伏豹見之而瞑熊見之而躍

象膽隨四時

蚺膽隨三旬

類苑淳化中上苑一象斃太宗命取膽不獲徐鉉曰當在前左足果得之問其故鉉曰象膽隨四時在足今方春故知之

酉陽雜俎蚺蛇膽上旬近頭中旬在心下旬近尾又朝野僉載云五月五日取時膽兩柱相去五六尺繫蛇頭尾以杖於腹下來去扣之膽卽聚以刀割取藥封放之不死復更取看肋下有痕卽放



木代象牙

木代犀角

南越志象牙長一丈餘脫其牙則深藏之削木代之可得不爾窮其主得乃已

抱朴子犀歲一解角藏于山中人以木如其角代之犀不覺後年輒復解 西陽雜俎云波斯國謂象牙爲白暗犀角爲黑暗

象泣子

猿求子

西陽雜俎象性允識見其子皮必泣 又蔣子萬機論

云象見子皮無遠近必泣

南史齊魚復侯子響爲蕭順之所殺武帝出景陽山見

一猿奮擲悲鳴問後堂丞此猿何意答曰猿子前日墮崖致死其母求之不見故耳上因憶子響歔欷良久不自勝順之慙懼以憂卒

飛兔日行三萬里

騶裊行萬五千里

瑞應圖曰飛兔者神馬之名也日行三萬里禹治水勤勞歷年救民之害天應其德而至

應劭曰古有駿馬名騶裊赤喙黑身一日行萬五千里

馬名黃耳

犬名黃耳



穆天子傳注魏時鮮卑獻千里馬白色而兩耳黃名曰黃耳

述異記陸機少時頗好遊獵在吳豪盛客獻快犬名曰黃耳機後仕洛常將自隨此犬黠慧能解人語又常借人三百里外犬識路自還一日至家機羈旅京師久無家問機戲語犬曰我家絕無書信汝能賫書馳還取消息否犬喜搖尾作聲應之

絕塵

絕影

西京雜記文帝自代還有良馬九匹一名絕塵

魏書曰曹公所乘馬名絕影

漢文帝九逸

唐太宗十驥

西京雜記文帝自代還有良馬九匹皆天下之駿馬也一名浮雲一名赤電一名絕羣一名逸驃一名紫驚驪一名綠螭驄一名龍子一名麟駒一名絕塵號爲九逸有來宣能御代王號爲王良俱還代邸

回紇傳唐太宗時東骨利幹國產良馬首似橐駝筋骼壯大日中馳數百里太宗時來其大酋因使者獻之帝取其異者號十驥皆爲美名曰騰霜白曰皎雪驄曰凝露驄曰懸光驄曰決波驄曰飛霞驄曰發電赤曰流金驄曰翔麟紫曰奔虹赤厚禮其使



昭陵六馬

大宛六馬

金石錄太宗六馬其一曰拳毛騧黃馬黑喙平劉黑闥時所乘贊曰月精按轡天駟橫行弧矢載戢氛埃廓清其二曰什伐赤純赤色平世充建德時所乘贊曰漚澗未靜斧鉞伸威朱汗騁足青旌凱歸其三曰白蹄烏純黑色四蹄俱白平薛仁果時所乘贊曰倚天長劍追風駿足聳轡平隴回鞍定蜀其四曰特勒驃黃白色喙微黑色平宋金剛時所乘贊曰應策騰空承聲半漢入險摧敵蒙危濟難其五曰颯露紫紫騮平東都時所乘贊曰紫騮超躡躡骨騰神駿氣讐三川威凌八

驅蒼白雜色平寶建德時所乘贊曰足輕雪影神發

天機策茲飛練定我戎衣潼關之役備體流汗

紀異錄天寶中大宛國進汗血馬六疋一曰紅叱撥二曰紫叱撥三曰青叱撥四曰黃叱撥五曰丁香叱撥六曰桃花叱撥上乃製名一曰紅玉輦二曰紫玉輦三曰平山輦四曰陵雲輦五曰飛香輦六曰百花輦復命圖于瑤光殿乃改爲觀驥殿

劉先主的盧

庾元規的盧

世語曰劉備屯樊城劉表曾請備宴會蒯越蔡瑁欲因會取備備覺之僞如廁潛遁出所乘馬名的盧騎的盧



走渡襄陽城西檀溪水中溺不得出備急曰的盧今日厄矣可努力的盧乃一蹏三丈遂得過乘桴渡河中流而追者至以表意謝之曰何去之速乎

晉書庾亮字元規美姿容初亮所乘馬有的顱殷浩以爲不利於主勸亮賣之亮曰曷有已之不安而移之於人浩慙而退 傳玄乘輿馬賦曰往日劉備之初降也

太祖賜之驄馬使自至廐選之歷名馬以百數莫可意者次至下廐有的顱馬委棄莫視瘦瘠骨立備撫而取之衆莫不笑之馬超破蘇氏塢塢中有駿馬百餘匹自超已下俱爭取肥好者而將軍龐德獨取一騮馬形觀既觀衆亦笑之其後劉備奔于荊州馬超戰于渭南逸足電發追不可逮衆乃服焉

五花乘

九花虬

名畫要錄開元內廐有飛黃照夜浮雲五花之乘 又唐六典云外牧歲進良馬印以三花飛鳳之字

杜陽編代宗命御馬九花虬并紫玉鞭轡以賜郭子儀馬身被九花文號九花虬上往日東幸觀獵於田不覺日暮忽顧謂侍臣曰行宮去此幾里奏曰四十里上令速鞭恐閔夜而九花虬緩然如三五里而已

忽雷駁

望雲騅



西陽雜俎秦叔寶所乘馬號忽雷駁常飲以酒每於月明中試能監越三領黑氊及胡公卒嘶鳴不食而死國史補德宗幸梁御馬號望雲驢駕還飼以一品料暇日牽而視之至必長鳴四顧若感恩狀後老死飛龍廐中貴戚畫爲圖

東夷濊國獻果下馬

漢樂浪郡出果下馬

魏志濊國果下馬漢桓時獻之

注云高三尺乘之可于果樹下行

又

漢書昌邑王賀召皇太后果下馬乘之

述異記漢樂浪郡出果下馬高二尺

又北史尉景有

果下馬又襄求之不與曰土相扶爲牆人相扶爲王一馬亦不得畜而索也

千里馬

千里牛

續博物志肅宗時有告保定太守反者令李泌乘千里馬往按之千里馬寧遠所獻髮拳紫色狀如八駿乘者必衣裘冒絮似胡兒抱持早發扶風初馳三十里則皆旁側跳三十里外乃墜然而去唯聞耳傍風聲飛前蹄之士過辰時達保定申時歸奏事

晉書苟晞見朝政日亂懼禍及已而多所交結每得珍物卽遺都下親貴交州去洛五百里恐不鮮美募得千里牛每遣信旦發暮還



馬四歲二齒

牛四歲四齒

酉陽雜俎馬四歲兩齒至二十歲齒盡平

酉陽雜俎牛三歲二齒四歲四齒五歲六齒以後每年接脊一節

六角牛

四耳牛

述異記周成王時東夷送六角牛

洞冥記元封三年大秦獻花蹄牛高六尺尾環繞角生四耳角端有肉蹄如蓮華

角容一石

角容廿斛

魏書元魏桓帝馬不能勝常乘安車駕大牛角容

石一

南史扶桑國有牛角甚長以角載物至勝二十斛

稍割牛

日及牛

什法盛歷國傳天竺波羅奈國有稍割牛黑色角細長可四尺許十日一割或不至十日一割便困病或致死人服其血皆老壽國人皆壽五百歲牛壽一等于人

又異物志月氏有羊尾重十斤稍割以供食尋生

如故

玄中記大月支及西胡有牛名日及牛以今日割取其肉三四斤明日其肉已復瘡亦愈漢人入此國以牛示



之以爲珍異漢人曰吾國有虫大小如指名爲蠶食桑  
葉爲人吐絲外國人不復信有蠶也 又博物志越雋  
國有牛稍割取肉經日必復生 又膳夫錄大食勿斯  
離國產胡羊高三尺餘其尾如扇每歲春時割取脂二  
十餘斤再縫合仍生不取則脹死 莊浪有饕羊土人  
歲取其脂非久復滿腹

鹿角八岐

鹿身兩頭

宋高僧傳唐京師安國寺什元康貞觀中遊學京邑有  
彭姓者先居山野見一鹿角分八岐厥形絕異撫而馴  
伏遂養之乘而致遠曾無倦色

魏宏南中志雲南郡有熊倉山上有神鹿一身兩頭食

毒草名之食毒鹿 盛弘之荊州記武陵郡有山獸如  
鹿前後有頭常以一頭食一頭行

猾裏冬蟄

熊羆冬蟄

山海經堯光之山其陽多玉其陰多金有獸焉其狀如  
人而羆鬣穴居而冬蟄其名曰猾裏

滑懷兩音

其音如斲木

見則縣有大繇

詩義熊能攀緣上高樹見人則顛倒投地而下冬入穴  
而蟄始春而出

鹿寨



熊館

瑣碎錄鹿夜臨宿下鹿角寨大者角向外四圍小者在  
中團圍如寨今人以木倣作鹿角寨

墨客揮犀熊于山中行數十里悉有跽伏之所必在石  
崑枯木中山民謂之熊館唯虎出百里外則迷所出道  
路

熊白

熊掌

埤雅云熊當心白脂如玉俗呼熊白好舉木引氣謂之  
熊經

爾雅翼異熊方冬雖自紙其掌故其掌特美言心之難熟也目

靈公殺宰夫之腍熊蹯不熟者而楚城見圍請食熊蹯

而死以其難熟冀於外救也 纏子桀王天下酒濁而

殺厨人紂王天下熊蹯不熟而殺厨人

呼熊爲子路

呼虎爲李耳

述異記東土呼熊爲子路以物擊樹云子路可起於是  
便下不呼則不動也

風俗通曰呼虎爲李耳俗說虎本南部中廬李氏所爲  
呼李耳卽喜呼斑便怒 又方言曰陳魏宋楚之間或  
謂之李父江淮南楚之間謂之李耳自關東西謂之伯  
都虎食物遇耳卽止以觸諱故也



一峯橐駝

兩脚駱駝

北史迷密國正平元年遣使獻一峯黑橐駝 爾雅翼

駝背有兩峯如鞍其足三節

南史滑國者車師之別種也有兩脚駱駝野驢有角

果然讓老

果然傷類

山經果然獸似獼猴以名自呼色蒼黑羣行老者在前少者在後得果食輒與老者似有義焉交趾諸山有之獠人射之以其毛爲裘褥甚溫煖

國史補劍南人之採果然者得一果然其數十果然可得何哉果然有傷其類者聚族悲鳴雖殺之不去此禽獸之狀而人心也

麝舉爪剔其香

蚌露腹明無膽

埤雅今商汝山中多羣麝所遺糞常就一雖遠逐食必還走其地不敢遺跡他所慮爲人獲人反以是蹤迹其所在必掩羣而取之蓋麝絕愛其香每爲人所追逐勢且急卽自投高岩舉爪剔出其香就繫且死猶拱四足保其臍

嶺表錄異蚌蛇被取膽它日見捕者則遠遠側身露腹瘡明已無膽以此自脫



孫供奉

胡博士

幕府據聞錄唐昭宗播遷隨駕伎藝人有弄猴頗馴能隨班起居昭宗賜以緋袍號孫供奉羅隱下第詩云何如學取孫供奉一笑君王便着緋朱梁篡位取此猴令殿下起居候望殿陛見全忠徑起其所跳躍奮擊遂令殺之唐臣媿此猴多矣

搜神記有一書生皓首稱胡博士教授諸生忽復不見九月九日士人相與登山遊觀聞講書聲命僕尋之見空冢中羣狐羅列見人即走老狐獨不去是皓首書生

狐歿首丘

廣志狐歿首丘豹歿首山是性之異也 又安南志象病首必向南而歿

猶豫

狐疑

顏氏家訓禮云定猶豫決嫌疑離騷曰心猶豫而狐疑先儒未有釋書按尸子曰五尺犬爲猶說文云隴西謂犬子爲猶吾以爲人將犬行犬好豫在人前待人不得又來迎候如此往還至于終日斯乃豫之所以爲未定也故稱猶豫或以爾雅曰猶如麋善登木猶獸名也旣聞人聲乃豫緣木如此上下故稱猶豫狐之爲獸又多



猜疑故聽河水無流水聲然後渡今俗曰狐疑虎卜則其義也

狼籍

狼狽

野史云狼起臥遊戲多藉草草皆穢故曰狼籍

酉陽雜俎云狼脰中筋大如鴨卵有犯盜者熏之當令手攣縮狼糞烟直上烽火用之或言狼狽是兩物狽前足絕短每行常駕兩狼失狼則不能動故世言事乖者稱狼狽

以黃羊祀竈

以烏羊繫車

風俗通漢記南陽陰子方積恩好施善祀竈臘月晨炊而竈神見再拜受神時有黃羊因以祀之其孫識執金吾封原鹿侯與衛尉鮦陽侯家凡二侯牧守數十其後子孫常以臘月祀竈以黃羊

南史孔淳之與王敬弘爲人外之游又申以婚姻敬弘以女適淳之子尚遂以烏羊繫所乘車轅提壺爲禮至則盡歡共飲迄暮而歸或怪其如此答曰固亦農夫田父之禮也

羊生土中

犬生地中

舊唐書拂林

林當作蘇

國有羊羔生于土中其國人候其欲



萌乃築垣以環之防外獸所食然其臍連地割之絕則  
死惟人著甲走馬擊鼓駭之其羔驚鳴而臍絕因逐水  
草以一二百口爲羣

尸子地中有犬名曰地狼 夏鼎志掘地得犬名曰賈  
冰下鼠重千斤毛可以爲褥  
火中鼠重百斤毛可以作布

神異經北方層冰萬里厚百丈有磳鼠在冰下土中焉  
形如鼠食草木肉重千斤可以作脯其毛八尺可以爲  
褥臥之卻寒又不晝木火中有鼠重千斤毛長二尺餘  
細如絲但居火中洞赤時時出外而毛白以水逐而沃  
之卽死取紡績其毛織以爲布用之若有垢浣以火燒  
之則淨也

又南荒之外有火山晝夜火然火中有鼠重百斤毛長  
二尺餘細如絲可以作布

龍畏鐵

龍畏蠟

封氏見聞海州南有溝水上通淮楚公私漕運路也寶  
應中堰破東海令李知遠主役脩復將成輒壞甚以爲  
憂或說梁武築浮山堰頻有缺壞乃以鐵數萬斤填積  
其下堰乃成知遠聞之卽依其言而塞穴初堰之將壞  
也輒聞其下殷如雷聲至是其聲移于上流數里蓋金  
鐵味辛辛能害目蛟龍護其目避之而去故堰可成



馬元 卷十八  
南部新書龍之性麤猛而畏蠟愛玉及空青而嗜燒鸞肉故食鸞肉人不可渡海

鮭魚陵居

龍魚陵居

山海經柢山多水無草木有魚焉其狀如牛陵居蛇尾

有翼其羽在鮭

亦作脅

下其名曰鮭冬死而夏生食之無

腫疾

又龍魚陵居在軒轅之北狀若狸一曰鰕卽有神聖乘此以行九野一曰鼈魚在天野北其爲魚也如鯉

白龍魚服

白龍魚鱗

載記韋謏曰白龍魚服有豫且之禍海若潛游罹葛陂

之酷

洞冥記白龍魚鱗網者食之

十朋

四品

爾雅一曰神龜二曰靈龜三曰攝龜四曰寶龜五曰文龜六曰筮龜七曰山龜八曰澤龜九曰水龜十曰火龜  
易損五爻云或益之十朋之龜鄭注引之

食貨志元龜距冉長尺二寸直千一百六十爲大貝十朋公龜九寸直五百爲壯貝十朋侯龜七寸以上直三百爲幺貝十朋子龜五寸以上直百爲小貝十朋是爲



龜寶四品

玄衣督郵

河伯從事

古今注龜一名玄衣督郵

又云龜一名河伯從事

吳王膾餘

誌公膾殘

博物志吳王江行食膾有餘棄于江中流化而爲魚今

江中有名吳王餘膾魚者長四寸大者如箸猶作

膾形

高僧傳寶志對梁武帝食膾帝曰朕不知味二十餘年

師何必爾誌乃吐出小魚鱗尾依然今金陵膾殘魚是

也

曝鰓

燒尾

三秦記河津一名龍門巨靈跡猶存水懸下注旁有山

水陸不通龜魚之屬莫能上江海大魚集門下數千不

得上上者爲龍不上者魚故云曝鰓龍門垂耳轅下

林登博物志龍門之下每歲季春有黃鯉二魚自海及

諸川爭來赴之一歲中登龍門者不過七十一初登龍

門卽有風雨隨之天人自後燒其尾乃化爲龍矣

鰕姑

螺婦

并志

卷八

三五



爾雅翼海中有鰕姑狀如蜈蚣云管鰕

原化記義興吳堪爲縣吏家臨荆溪忽得大螺已而化女子號螺婦縣令聞而求之堪不從乃以事虐堪曰今要鰕鰕毛鬼臂二物不獲致罪堪語螺婦卽致之令乃謬語曰更要禍斗堪又語螺婦婦曰此獸也須臾牽至如犬而食火糞以爲火令與火試之忽遺糞燒縣宇令及一家皆焚死焉

海鏡蟹爲腹

水母蝦爲目

越絕書海鏡鰕爲腹水母蝦爲目 嶺表錄異海鏡廣

人呼爲膏葉盤兩片合以成形殼圓中甚瑩滑日照如雲母光內有少肉如蚌胎腹中有紅蠟子其小如黃豆

而螯足具海鏡饑則鰕出拾食鰕飽歸腹海鏡亦飽或迫之以火則鰕子走出離腸腹立斃或生剖之有鰕子活在腹中逡巡亦斃 本草蠟一名樗蒲魚生東海如血蛸大者如牀小者如斗無腹胃眼目以蝦爲目蝦動蜡沈故曰水母目鰕如駟驢之與蛩蛩相假矣

蜂君

蟻王

化書蜂有君禮也 自然論蜂無王而盡死

齊諧記董昭之過江見一蟻著一短蘆走因以繩繫蘆著船蟻得生其夜夢一烏衣人謝云僕是蟻中王也後



竟脫董于難

食而不飲

飲而不食

淮南子曰蠶食而不飲三十二日而化蟬飲而不食三十日而歿浮游不飲不食三日而終也

青蠅爲吊客

青蠅爲賀客

虞翻別傳翻放棄南方云自恨疏節骨體不媚犯上獲罪當長沒海隅生無可與語歿以青蠅爲吊客使天下一人知己者足以不恨

青陽記術士相牛僧孺若青蠅拜賀方能及第公疑之及登科訖歸坐家庭有青蠅作八行立約數萬折射再三良久乃去

樹子化蝶

木葉化蝶

瀟湘錄長安城禁苑內一大樹冬月雪中忽花葉茂盛及凋落後結實其子光明燦然如火之照焉數日皆化爲紅蛺蝶飛至明年唐高祖自唐國入長安此其前兆也

北戶錄段公路南行歷懸藤峽維舟飲水覩巖側有一木五綵初謂丹青之樹命僕採獲一枝尚綴軟蝶凡二十餘個有翠紺縷者金眼者丁香眼者紫斑眼者黑花



者黃白者緋脉者大如蝙蝠者小如榆莢者因登岸視之乃知木葉化焉

蛺蝶如帆

蜈蚣如筆

嶺南異物志常有人游南海泊于孤岸有物如蒲帆飛過海將到舟舟人競以物擊之如帆者盡破碎墮地視之乃蛺蝶也海人去其翅足稱之得肉八十斤噉之極肥美

紀聞唐杜暉使嶺南至康州見蜈蚣大如筆天寶四載廣州因海潮一蜈蚣死割其爪得肉一百二十斤

駢志卷之十八